

সাকুলার নং: বিজিএ/কাস/২০২৩/৯৯৯

তারিখ: ১৩/০৮/২০২৩

## সম্মানিত সকল সদস্যের জন্য

বিষয়: শতভাগ তৈরি পোশাক রপ্তানিকারক প্রতিষ্ঠানসমূহ কর্তৃক বন্ড সুবিধার মাধ্যমে আর্ট পেপার, এডহেসিভ পেপার ও স্টিকার পেপার আমদানি প্রসঙ্গে।

সম্মানিত সদস্যবৃন্দ ও সহকর্মীবৃন্দ,

আসসালামু আলাইকুম।


আপনারা সকলে অবগত আছেন যে, দীর্ঘদিন ধরে তৈরি পোশাক রপ্তানিকারক প্রতিষ্ঠানসমূহ বন্ড সুবিধার মাধ্যমে আর্ট পেপার, এডহেসিভ পেপার ও স্টিকার পেপার আমদানির ক্ষেত্রে বিভিন্ন জটিলতার সম্মুখীন হচ্ছেন। বিষয়টির জটিলতা নিরসনের লক্ষ্যে জাতীয় রাজস্ব বোর্ডের নিকট আমরা একাধিক পত্র প্রেরণ করি এবং বিভিন্ন সভায় মিলিত হই।

বিজিএমইএ'র অনুরোধের প্রেক্ষিতে, গত ২৫/০৭/২০২৩ইং তারিখে সদস্য (কাস্টমস:রপ্তানি বন্ড ও আইটি) এর সভাপতিত্বে কাস্টমস বন্ড কমিশনারেট, ঢাকা (দক্ষিণ/উত্তর)/চট্টগ্রাম এবং বিজিএমইএ'র প্রতিনিধির সমন্বয়ে জাতীয় রাজস্ব বোর্ডে অনুষ্ঠিত সভায় বিজিএমইএ'র প্রতিনিধিগণ বিষয়টি সম্পর্কে উপস্থিত সকলকে বিস্তারিত অবগত করেন। উক্ত সভার কার্যবিবরণীতে উল্লেখিত সিদ্ধান্ত আপনাদের প্রয়োজনীয় কার্যার্থে নিম্নে তুলে ধরা হলো:

“ সিদ্ধান্ত: শতভাগ তৈরি পোশাক রপ্তানিকারক বন্ডেড প্রতিষ্ঠানসমূহ বন্ড লাইসেন্সে অন্তর্ভুক্ত থাকা সাপেক্ষে বন্ড সুবিধার মাধ্যমে আর্ট পেপার, এডহেসিভ পেপার ও স্টিকার পেপার প্রিন্টেড অবস্থায় অথবা প্রিন্টিং ম্যাটেরিয়াল সমেত আমদানি করতে পারবে। এক্ষেত্রে বন্ড কমিশনারেটসমূহ ঝুঁকি ব্যবস্থাপনার মাধ্যমে যেক্ষেত্রে প্রয়োজন হয়, সেখানে তদারকিমূলক ব্যবস্থা গ্রহণ করবে। অত্র সভার সিদ্ধান্তের আলোকে বন্ড কমিশনারেটসমূহ প্রয়োজনীয় অফিস আদেশ জারী করবে অথবা এর বিপরীতে ইতোপূর্বে কোন আদেশ জারি করা হয়ে থাকলে তা বাতিল/সংশোধনের কার্যক্রম গ্রহণ করবে।”

আশা করছি জাতীয় রাজস্ব বোর্ডের গৃহীত উপরোক্ত সিদ্ধান্তের মাধ্যমে তৈরি পোশাক রপ্তানিকারক প্রতিষ্ঠানসমূহ বন্ড সুবিধার মাধ্যমে সহজে আর্ট পেপার, এডহেসিভ পেপার ও স্টিকার পেপার প্রিন্টেড অবস্থায় অথবা প্রিন্টিং ম্যাটেরিয়াল সমেত আমদানি করতে পারবে।

ধন্যবাদান্তে,



ফারুক হাসান  
সভাপতি

BANGLADESH GARMENT MANUFACTURERS & EXPORTERS ASSOCIATION (BGMEA)

বাংলাদেশ পোশাক প্রস্তুতকারক ও রপ্তানীকারক সমিতি

• বাংলাদেশ তৈরি •

Shahinur-customs